
C A P U T X V.

De scorbuto.

SCORBUTI nomen apud auctores Medicos morbum designat adeo multiplicem, & facie diversum; ut non idem, sed alias atque alias esse videatur. Nullo non tempore in septentrionalibus regionibus popularis fuit, eo saevior, quo illae oceano propius adjacent: idcirco *Danos*, *Norvegos*, & maris *Baltici* accolias maxime infestat; neque eo immunes sunt *Germani*, *Belgae*, nostrisque homines (*a*).

INCIPIT autem hoc malum a foedis in ore cruribusque ulceribus; unde Plinio *stomacace* & *scelotyrbe* dicitur (*b*), qui scelribus aquarum imputat, & auxilio repertam fuisse *herbam Britannicam* (quae nobis *hydrolapathum nigrum* appellatur) memoriae prodidit. Sed & ipsi Hippocrati jam olim innotuit, a quo *πηλὴν μέγας*, *lien magnus*, vocatur, & pariter a frigidis, crudis, turbidisque aquis epotis oriri dicitur (*c*).

M E^s

(*a*) Vid. *Eugalenum De scorbuto*; sed in primis *Sennertum*, Lib. III. Part. v.

(*b*) *Nat. Hist. Lib. XXV. sect. VI.*

(*c*) Vid. *De internis affection. Sect. XXXIV. & De aribus, locis, & aquis, Sect. X.*

MEMINI Me vidisse in nosocomio hujusmodi casum in viro rustico mediae aetatis, qui in insula Toliapis Ptolemaeo dicta, nunc Sheppey, vitam egerat. Is locus tam caelo turbido & humido, quam aquis insalubribus, infamis est. Et quidem conjectari licet, Romanos milites, postquam, duce Claudio Caesare, in Britanniam transmissi erant, atque hanc insulam eum locis vicinis occupaverant, morbo hoc correptos, monstrantibus incolis, *herbam Britannicam*, quam auxilio repartam fuisse dicit Plinius, comperisse, & a regione id nomen dedisse. Scimus enim Imperatorem illum a Gesloriaco, quod in *Gallia* oppidum est, nunc *Boulogne* dictum, ex adverso Cantii nostri, hanc in terram milites exposuisse (a). Huic parem historiam narrat Strabo de Romano exercitu apud Album Pagum, quem, duce Aelio Gallo, Augustus Caesar in *Arabiam* misit. Dicit enim illum oris & crurum vitiis, morbis nimirum regionis istius indigenis, qui *stomacace & scelotyrbe* vocantur, suntque resolutio quaedam ab aquis & herbis proveniens, tactum fuisse (b). Minime autem dubito, quin aer insalubris marinus, cibus pravus, cum aquis noxiis, caelum illud hisce vitiis obnoxium reddiderint; ex Ptolemaei enim

(a) Vid. Sueton. vit. *Claudii Caef.* cap. XVII.

(b) Στομακάνη τε καὶ σκελοτύρβη πειραζεμένης τῆς σφαίρας ἐπιχειρίους πάθεις; τῶν μὲν περὶ τὸ σώμα, τῶν δὲ περὶ τὰ σκέλη πυραλυσίν τινα δηλώντων, ἐκ τε τῶν ὑδρίων, καὶ τῶν θεταῖς, *Geographb. Lib. XVI. pag. 781. ed. Paris. 1620.*

enim *Geographia* liquet Album Pagum ad finum Arabicum situm fuisse. Sed haec obiter. *Rusticus* ille , quem dixi , malo corporis habitu cum febre intermitte abnormi laborabat ; accedebant crurum ulcera mala , in utraque niimirum tibia. Ab assumptis medicamentis , quae scorbuto convenient , amaris scilicet & urinam moventibus , convalescere videbatur : ulcerum enim alterum ope Chirurgi jam impletum erat ; alterum vero , dum sanescerat , ex improviso tenuit gangraena , & concisa carne , ne latius serperet malum , aeger subito mortuus est. Dissecto abdomen , mox oculos rapuit ingens lienis moles forma naturali , sola magnitudine aucta ; neque color mutatus erat , nec mollitatem tumor aut scirrus vitiarat . Pendebat autem libras quinque cum quarta librae parte , cum hepar quatuor tantum libras totidemque uncias pondere aequaret . Substantia denique , quae visceris hujus natura est , laxis fibris suffusum nigrum cruentum visui obtulit .

A b ulceribus istis supra memoratis os ipse que spiritus male olet ; gingivae vitiantur , sublividae & nonnunquam subatrae redduntur , ac digito vel leviter pressae atrum cruentum emittunt ; eaedemque sic laxae sunt , ut a dentibus discedant , quos facile omnes interdum eximere licet . Interea maculae lividae , tanquam vestigia suggillationum , variis corporis locis efflorescent ; in brachiis scilicet , in coxis , in cruribus , saepeque per universi corporis cunctem , adeo ut haec quasi ictero foedata videatur .

tur. Tormina quoque ventrem discruciant. Et ne levia quidem praetermittam, ab intestinorum doloribus nomen suum, tum Latinum tum Anglicum, traxisse videtur iste affectus, a voce nimirum Saxonica *scorbock* vel *scorbutck*, quae illa lingua ventris lacerationes denotat.

PRAETER infalubres aquas cibos etiam in partem nocimenti trahunt auctores, falsamenta nimirum & legumina; quae, cum sint difficilis concoctionis, crassum minusque commodum nutrimentum corpori suppeditant. At causam tamen magis universalem adhuc non videntur satis attigisse. Ille autem aër est usibus vitae minus idoneus, qui in pulmones receptus plurimum noxae adfert. Id in longis navigationibus maxime manifestum est, in quibus nautas faevissime corripit haec lues. Cujus rei illustre exemplum praebuit *Historia* nuper edita itineris marini, magni nostri ducis Ansoni, qui totum terrarum orbem circumnavigavit; in quo tertia pars nautarum hac calamitate consumpta perit, maloque adeo evepto, ut etiam in fractis ossibus calli, qui diu induruerant, quasi compage jam recenter rupta, mirandum dictu! dissolverentur (*a*). Est profecto in hisce casibus summa humorum omnium corruptio, & quaedam putrefactio; sanguinis mistura eo usque vitiata, ut quacunque parte emissus nihil pur-

(*a*) Vid. *Anson's Voyage round the world*, London, MDCCXLVIII.

purpurei coloris habeat, sed atram & coenosam colluviem referat. Quibus autem modis ita corrumpant & putrefaciant humores dictae jam causae, non difficulter cognoscet, qui proprietates legesque motus in fabrica animali perspectas habuerit. De illis enim ut pluribus hic agam, eo minus necessarium videtur quod in libello nuperrime edito eas fusius exposui; ubi commoditates & usum *machinae Suttonianae* ad extrahendum e navibus aëra inquinatum, alatis etiam documentis, ostendi (a).

Quod ad curam attinet, facilius multo est morbo huic venienti occurrere, quam illum depellere; cum enim corpori semel infederit, difficillime medicinam sentit. Optimum autem medicamentum est aër salubris opportune inspiratus, cum apta diaeta. Cum primum igitur quis aegrotare coepit, si forte sit in mari, quam citissime fieri poterit, mutandum est caelum, & pro marino terrenus aër hauriendus; sin in terra sit, rus amoenius petere, & aëre aperto ac sereno frui debet. Uterque vero aut carnis recentibus vescatur, & ex materia tenerrima: aut potissimum herbis, tam iis, quae sale volatili gaudent, quales sunt *coblearia*, *nasturtium*, *bocabunga*, & his consimiles; quam illis, quae succum frigidorem praebent, cuiusmodi sunt, *acetosa*, *endiosa*, *lactuca*, *portulaca*, & id genus aliae. Et has quidem

(a) *An Historical account of a new method for extracting the foul air out of ships*, London, MDCCXLIX.

dem omnes utriusque generis alias aliis misere,
& temperare inter se, saepe erit utile. Maxime autem juvabit fructus subacidos, *mala citrea, aurea, punicaque* frequenter, comedendo stomachum pariter, ac corporis humores, refrigerare & astringere.

At operae pretium erit ipsam Narrationem itineris modo dicti pervolvere; quae multa sane Medicis scitu utilia, omnibus lectu jucunda, variosque casus ac rerum discrimina justo ordine, styloque eleganti descripta complectitur. Neque laboris fortassis illum poenitebit, si quis velit ea pervolvere, quae, cum *maschiae Suttonianae* utilitates exponerem, ipse de hoc morbo conscripsi. Leget ibi historiam maxime memorabilem de *Nauta quodam Bato*; qui cum in nave ad *Groenlandiam* appulsa hoc malo jam fere consumptus esset, herba tamen *cochlearia* pecudum more pastus, restituta sanitate, in patriam firmis viribus rediit.

His, quae fusius fortasse diximus, illud denique adjungere non inutile erit: quod sanguinem, si ex quavis parte profluat, id quod non raro fit, *elixir vitrioli Mysichti, aqua fontana frigida* commistum, ac subinde hauustum; vel interdum etiam *tinctura styptica*, eodem modo assumpta, commodissime supprimet.

C A.